

THOMAS, WILLIAM ('Islwyn,' 1832 - 1878), gweinidog gyda'r Methodistiaid Calфинаidd, a bardd

Enw: William Thomas
Ffugenw: Islwyn
Dyddiad geni: 1832
Dyddiad marw: 1878
Priod: Martha Thomas (née Davies)
Partner: Ann Bowen
Rhyw: Gwryw
Galwedigaeth: gweinidog gyda'r Methodistiaid Calфинаidd, a bardd
Maes gweithgaredd: Crefydd; Eisteddfod; Barddoniaeth
Awdur: David Gwenallt Jones

Ganwyd 3 Ebrill 1832 yn 'Tŷ'r Agent' yn agos i Ynys-ddu, pentref yn nyffryn Sirhywi, sir Fynwy. Mesurwyr tir a pheirianwyr oedd ei ddau frawd, David Thomas a John Thomas, a chychwynnodd 'Islwyn' ddysgu eu crefft hwy, ond gwelodd ei frawd-ynghyfraith, y Parch. D. Jenkins ('Jenkyns y Babell'), ddeunydd pregethwr ynddo, a danfonwyd ef i ysgolion yn Nhredgar, Casnewydd, a'r Bont-faen, ac i athrofa'r Dr. **Evan Davies** yn Abertawe. Syrthiodd mewn cariad yn y dref honno â merch ifanc, Ann Bowen, a phan oeddent ar briodi, bu farw'r ferch, ac effeithiodd hyn yn drwm ar ei fywyd a'i farddoniaeth. Yng nghyfarfod misol Twyncarno, Rhymni, 3 a 4 Ionawr 1854, derbyniwyd cais oddi wrth gapel y Babell am ganiatâd i William Thomas bregethu, ac yng nghyfarfod misol y Gelli Groes, 16 Awst 1854, rhoddwyd iddo, ar ôl y prawf, ganiatâd 'i ddechreu pregethu yn ôl y drefn arferol.' Ordeiniwyd ef yn 1859, ond ni bu erioed yn fugail eglwys. Yn 1864 priododd â Martha, merch William Davies, gŵr a briododd weddw, mam Ann Bowen; buont fyw yn 'Green Meadow' gerllaw capel y Babell, ac yno y buont nes adeiladu tŷ iddo ef ei hun a'i wraig yn 1871, sef 'Y Glyn.' Yn ôl **Daniel Davies**, bu Islwyn yn 'golygu'r *Cylchgrawn*, yr *Ymgeisydd*, y *Glorian*, y *Gwladgarwr*, a barddoniaeth y *Faner* a'r *Cardiff Times*,' ond y mae'n anodd gwybod faint o wir sydd yn hyn. Beth bynnag, bu'n golygu 'Y Golofn Gymreig' yn *The Cardiff Times* a bu 'Glasynys' (Owen Wynne Jones) ac yntau yn ysgrifennu erthyglau blaen *Y Glorian*, ond '**Llew Llwyfo**' (Lewis William Lewis) a benodwyd yn olygydd arno. Bu 'Islwyn' farw 20 Tachwedd 1878, a chladdwyd ef ym mynwent capel y Babell.

Dau athro barddol 'Islwyn' oedd 'Gwilym Ildid' ac '**Aneurin Fardd**' ac yr oedd yn y cyfnod hwn yn sir Fynwy, yn enwedig yn Abergafenni, gylchoedd llenyddol. Bu 'Islwyn' yn gystadleuydd mawr yn yr eisteddfodau, a chystadleuydd aflwyddiannus ar y cyfan. Enillodd yn 1853 wobr yn eisteddfod Cefn-coed-y-cymer ar gân, 'Abraham yn aberthu Isaac,' ac ar farwnad i '**Carnhuanawc**' yn eisteddfod olaf Cymdeithas Cymreigyddion y Fenni; enillodd gadair yn eisteddfod y Rhyf, 1870, am awdl, 'Y Nos'; yng Nghaerbybi yn 1872 am awdl ar 'Moses'; yng Nghaerffili yn 1874 am awdl, 'Cartref'; ac yn Nhrefherbert yn 1877 am awdl, 'Y Nefoedd.' Nid enillodd gadair yr eisteddfod genedlaethol, er iddo geisio droeon amdani. Tybiai ar ddiwedd ei fywyd iddo esgeuluso pregethu'r efengyl wrth gystadlu gymaint.

Dyma restr o lyfrau 'Islwyn' a chasgliadau o'i weithiau: *Barddoniaeth, gan Islwyn*, 1854; *Ymweliad y Doethion a Bethlehem. Y bryddest fuddugol yn Eisteddfod Ivoraid Llanelli*, 1867 (Aberdâr, 1871); *Awdl ar y Nefoedd*, 1878?; *Caniadau gan Islwyn* (Gwreccsam, diddyddiad); *Cymru, gan Islwyn* (Cyfres Blodau'r Grug, diddyddiad); *Pregethau y Parch. William Thomas (Islwyn). Gan y Parch. Edward Matthews*, 1896; *Islwyn, pigion o'i waith*, 1897; *Islwyn* (Llyfrau Urdd y Delyn, 1897); *Gwaith Barddonol Islwyn* (Owen M. Edwards), 1897; *Gwaith Islwyn* (Cyfres y Fil, 1903); *Perlau Awen Islwyn, gan J. M. Edwards, M.A.*, 1909; *Islwyn's English Poems*, 1913.

Awdur

David Gwenallt Jones, (1899 - 1968)

Ffynonellau

Evan Rees (Dyfed)*Oriau gydag Islwyn*, 1901

W. J. Gruffydd, *Islwyn Darlith Goffa Islwyn*, 1942 (Caerdydd 1942), 1942

D. Gwenallt Jones, *Bywyd a Gwaith Islwyn* (Lerpwl 1948) ('Cyfres Pobun,' rhif xvii)

T. H. Parry-Williams, *Islwyn, Detholion o'i Farddoniaeth* (Caerdydd 1948) (Llyfrau Deunaw)

Archifau LIGC: **NLW MS 1064B**: Llythr gan Islwyn

Archifau LIGC: **NLW MS 2340C**: Letters

Archifau LIGC: **NLW MSS 3191-3197C**: Letters to Daniel Davies

Archifau LIGC: **NLW MS 3292E**: Llythyrau

Archifau LIGC: **NLW MS 4500B**: William Thomas (Islwyn): Letters

Archifau LIGC: NLW MS 5876D: Barddoniaeth, beirniadaethau, &c.

Archifau LIGC: NLW MS 5878B: Lythyrau

Darllen Pellach

Glyn Tegai Hughes, *Islwyn* (Gwasg Prifysgol Cymru 2003)

The OGRE blog: [Babel chapel, Cwmfelinfach, burial place of Islwyn the Poet](#)

Erthygl Wicipedia: [William Thomas \(Islwyn\)](#)

Delweddau

LIGC: William Thomas, "Islwyn"

John Thomas, [Revd William Thomas \(Islwyn, 1832-78\)](#)

John Thomas, [Revd William Thomas \(Islwyn, 1832-78\)](#)

John Thomas, [Revd William Thomas \(Islwyn, 1832-78\)](#)

John Thomas, [Revd William Thomas \(Islwyn, 1832-78\)](#)

LIGC: "Y ty lle ganwyd Islwyn"

LIGC: "Cwmni o Gymmrodorion Caerdydd ar lan bedd Islwyn"

LIGC: "Cadair Islwyn yn eisteddfod Caerffili 1874"

Dolenni Ychwanegol

Archifau LIGC: NLW MSS 5854-5879: Islwyn MSS

VIAF: [18426886](#)

Wikidata: [Q8019287](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

[PDF](#) [Argraffu](#) [Cyfeirnod](#)

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

[Frannu](#)

Arddull APA

x

Jones, D. G., (1953). THOMAS, WILLIAM ('Islwyn,' 1832 - 1878), gweinidog gyda'r Methodistiaid Calfinaidd, a bardd. *Y Bywgraffiadur Cymreig*. Adferwyd 10 Tac 2024, o <https://bywgraffiadur.cymru/article/c-THOM-WIL-1832>

[Cofrestru](#)

Preifatrwydd a Chwcis
Hawlfraint
Y Prosiect
Cymorth
Cysylltu

LIGC
NLW

LLYFRGELL
THE NATION



